


麻城縣志



重修麻城縣志



國有史邑有志巨細不同  
其致一也於以考故實示  
勸誠義至重亦至著矣山  
川之險易民物之豐約賦

麻城縣志序

役之增減風俗之淳漓一  
覽炯然斯考故實者徵焉  
筆其好修而非好修者可  
知也筆其貴顯而不貴顯  
者可知也筆其以德傳

位傳而德而不位位而  
德者又可知也故示勸誠  
者亦備是也昔之論史者  
至尊其權於天雖一邑志  
乎對之亦增凜然懍然者

麻城縣志序

二

矣麻邑舊志兵燹罔存邑  
鄒君師可訪得燼餘數紙  
補綴增益之前令餘杭王  
君屬王茂才汝霖者刪訂  
草創未就振奇待罪此

慨文獻之久注儼大典之  
未舉周爰咨度勿慊于衷  
會邑周君遠害搜遺編數  
則增入周君巨公重定次  
第余亦少加削潤旣成帙

授諸梓予觀麻城之地圉  
楚而疆豫其士大夫敦節  
義子矜勤絃誦壤則中上  
中下間稻麥外無他產蠶  
桑給賦之十一數富商大

賈民朴實務長桑間二三  
黠者好訐訟情亦隨見吏  
斯土者矢清慎勤以自黽  
勉出至誠相與終始自可  
免於隕越嘗上稽往令自

林城縣志序

四

元宋以前闕略無考間存  
姓氏逮有明盛時王陳文  
弋劉連張宋德政口碑至  
今表表

國朝如王君又韓孫君伯生

存心惠愛於民尚訶思不  
倦夫今之優劣跡乎民懷  
任之賢能徵於去後前之  
楷後之鑒至於士食舊德  
農服先疇沒世而名不稱

子孫而耻祖考展視徃牒  
古道照人倘亦有寤寐不  
釋者乎可反而思其故矣  
振奇願與諸君子永念之  
康熙九年歲次庚戌季春

吉日

賜進士文林郎知麻城縣  
事武康屈振奇潘靈撰



麻城縣志序

六

麻城縣志序

曾子固論史曰明足以周  
萬事之理道足以適天下  
之用智足以知難知之意  
文足以發難顯之情若是

宋序

一

乎史學之難也余謂一邑  
之志與史學無殊而志有  
倍難於史者志之視史言  
乎記載不及史之該備言  
乎體裁不及史之深微言

乎文藻不及史之華贍曷  
云乎倍難史則承明金馬  
著作之庭鐘鼓漏長絲綸  
晝靜蘭畹之芳芬娛目木  
天之華與絕塵輯志之署

宋序

二

非有承明金馬之榮也不  
過訟庭記室喧沸倥偬而  
已史則闡見洽聞爛然總  
至珠璣濯錦玉漱韜霞龍  
練之潤色連篇鳳藻之光

輝溢目輯志之人非有闕  
見洽聞之助也不過令長  
師儒叅互考訂而已史則  
經營纂組需以歲年遷固  
宏遠陳范清華終身之記

宋序

三

述爲多兩世之淵源益廣  
輯志之時非有經營纂組  
之專且久也不過惜陰程  
晷之敷序裁成而已况一  
代網羅甚富歷世文獻不

孤巖邑咨謀鮮據爲令者  
或有其意而無其具  
其具而無其時所以國史日  
月有記註而邑志則百年  
數十年曠缺而不輯者多

宋序

四

矣無怪乎志之倍難於史  
也余讀漢書地理志禹貢  
荊州之域江漢朝宗于海  
沱瀾旣道雲夢作又厥上  
塗泥有日西陵及後周

曰亭州未聞有麻城之名  
自石趙將麻胡秋築城始  
名麻城昔爲僻壤今號名  
區文獻軼群甲于天下余  
髮未燥卽聞其衣冠風政

宋序

五

田園物產管絃沸樓魚蝦  
腥市聲光雄埒震耀隣封  
乃光黃間之絕無而僅見  
者若夫四民之首人文秀  
出家絃戶誦科第則麟經

之鄉奮名魁無出其右宦  
績則巖廊之宮保上卿代  
不乏人私心向往匪朝伊  
夕康熙戊申仲春時值山  
水明秀阡陌妍麗因與屈

宋序

六

令君有鷄黍之約策蹇尋  
芳入其境而問賦登耗異  
矣問田腴瘠異矣問戶口  
生息異矣問賢科人物異  
矣問宦績官師異矣問流

風習俗異矣問亭舍置置  
異矣而其素稱爲名區者  
相傳如故也總因疊羅寇  
燔四方焦土萬井寒煙非  
復昔日之麻城矣于是而

宋序

七

重脩邑乘非循卓良吏豈  
克勝任幸漢上屈君擅騷  
賦之宗饒經濟之畧以賢  
書名魁登制科高榜守嚴  
一介才裕十奇自戊申別

後拮据三載手口卒瘠薄  
賦省刑養民造士棊堂課  
藝則一邑四履之彥咸歸  
陶冶棘闈掄才則七澤三  
湘之英盡收網羅善政多

宋序

八

端難以枚舉公餘之暇搜  
其遺編而纂承之凡經紳  
衿茂異之耳目逸人韻士  
之口吻無不虛懷下問如  
綺日笥腹之王茂才汝霖

草創于前如邑紳兩周君  
潤色脩飾于後屈君分品  
彙集大成寧質毋文寧經  
毋諧寧簡毋蔓寧嚴毋濫  
寧黜其臆測而歸請蕩蕩

宋序

九

平平之路則庶乎一方之  
龜鑑百代之典型乎屈君  
政成報最瓜期已及

召在卽不日膺清華之選  
行將天祿名渠重輝國史

舉天下之山川風俗人物  
事類臚列于前一覽變通  
其勦至治將治天下猶治  
麻勿謂此麻志耳而淺視  
之也時剗劓告竣問序于

宋序

十

余屈君乃余秦闢首拔異  
才素有文字之知樂觀厥  
成揮毫而爲之序

康熙九年中秋禪悅老人  
汝南宋祖法憲水氏撰